

اخذ واسترداد و خزینه دولتہ تسلیم اولندقدنصکره بش سنه دن اقل
اولماق اوزره قلعه بند قلوب مؤبد رتبه و مأموریتدن محرومیت جزای
دخی برابر حکم اولنور

سکسان اوچنجی ماده هر کیم دولت عایه حسابنه اوله رق اشتراسنه
و یا خود بیعنه و یا اعمانه مأمور اولدیجی هر نوع اشیا نك بیع و شراسنده
و بها و مقدارنده و اعمانده فساد قارشیدیره رق هر نه صورتله اولور ایسه
اولسون ارتکاب ایله ایسه سارق اوله جغندن ماده سابقه ده تعیین
اولنان مجازاتی کورر

سکسان دردنجی ماده بومقوله سارق لار باب رتبه و مأموریتدن
اولدق لری حالده دخی عینله اصحاب رتبه و مأمور بن کبی یوقاروکی
ماده لده بیان اولندیجی اوزره مجازات اولنور لر

سکسان بشنجی ماده مأمورین دولت علیه دن اصحاب مطلوب یدنده
بولنان میری دیونی سری و سنداتندن قرمه طریقیله اقچه الترو یا خود
اصحاب مطلوبک الاجق لری نی تأدییه مقابله سنده کندولرندن پاره و سائر
هد ایا اخذ و قبول ایدنلر الدق لری اقچه و اشیا هر نه ایسه کندولرندن
استرداد اولندقدنصکره موقتا قلعه بند قلوب بومثلاو مأمورینک
دائر لری تبعه سندن و منعلقات و منسوبانلرندن کندولر یتک مساعده سیله
اشبوسرکی قرمه سنی ارتکاب ایدنلر اولور ایسه کرک انلر و کرک بوکامساعده
ایدن مأمور حق لرنده دخی عینله بو جزا ل اجرا اولنور

سکسان التنجی ماده بیسوک و کوچک کافه مأمورین حسب المأ موریه
استخدام ایده جکی عمله نك تعیین اولنان اعمالیه و نقلیه اجر ق لری نی و اشیا
اثمانی اصحابنه تماما و برهن و یا نقصان اعطا ایدر و عملیه ی انقریه اوله رق
مجانا ایشلدر ایسه بو یوزدن ایتدیکی تمهک بر قاتی اجرت و اثمان مقابله ده
اصحابنه و یرلک و دیگری جزای نقدی اولق اوزره ایکی قات اوله رق
کندوزن اخذ اولندقدنصکره موقتا قلعه بند قلوب